

CYFARFOD COMISIWN FFINIAU LLYWODRAETH LEOL I GYMRU A GYNHALIWYD AR 9 MEDI 2008 YN NHŶ CARADOG, CAERDYDD

Comisiynwyr

Mrs. S G Smith (Cadeirydd)
Mr P J Wood (Dirprwy Gadeirydd)
Y Parch. H M Davies

Ysgrifenyddiaeth

Mr. E H Lewis (Ysgrifennydd)
Mr. S R Halsall
Mr. D Carr
Mr. R Handscomb
Mrs. Abbie Prescott-Bird

Croesawodd yr aelodau Mr Handscomb a oedd newydd ymuno ag Ysgrifenyddiaeth y Comisiwn.

1. DATGANIAD BUDDIANNAU

1.1 Ni ddatganwyd unrhyw fuddiannau newydd.

1.2 Dywedodd yr Ysgrifennydd ei fod yn ddiweddar wedi dod yn ymwybodol ei fod yn arfer yng nghomisiynau ffiniau eraill yn y DU i aelodau a staff ddatgan fod yr ardal eu bod yn byw ynddi yn fuddiant a pheidio â chymryd rhan mewn unrhyw drafodaethau neu benderfyniadau a oedd yn ymwneud â'r ardaloedd hynny. Roedd y Comisiwn o'r farn gan nad oedd aelodau staff yr Ysgrifenyddiaeth ond yn rhoi gwybodaeth i Aelodau yn unig ac nid oeddent yn cymryd rhan yn y broses o wneud penderfyniadau, efallai nad oedd angen iddynt ddatgan buddiant. Y dewisiadau posibl o ran cynnwys Aelodau mewn arolygon a oedd yn cynnwys eu hardaloedd preswyl oedd:

- Datgan buddiant ond parhau i gymryd rhan yn y drafodaeth;
- Datgan buddiant a pheidio â chymryd rhan yn y drafodaeth ond bod yn bresennol yn ystod y drafodaeth; neu
- Datgan buddiant a mynd allan o ystafell y cyfarfod tra bod yr ardal yn cael ei thrafod.

Roedd y Comisiwn o'r farn y gallai'r polisi hwn fod yn broblematig oni bai y'i cyfyngir i'r gymuned lle roedd yr aelod yn byw yn hytrach na holl ardal yr awdurdod lleol.

1.3 **Cytunwyd** y byddai'r Ysgrifennydd yn ymchwilio'r arfer gorau o ran buddiannau aelodau a chyflwyno ei ganfyddiadau mewn Cyfarfod Comisiwn yn y dyfodol.

2. COFNODION CYFARFOD Y COMISIWN A GYNHALIWYD AR 18 AWST 2008

2.1 Cytunwyd ar y rhain yn amodol ar gynnwys y newidiadau y gofynnwyd amdanynt.

3. MATERION YN CODI

Arolwg Cymunedol Môn

3.1 Hysbysodd yr Ysgrifennydd y cyfarfod ei fod wedi ysgrifennu at Ganolfan Bedwyr i ddiolch iddynt am eu cymorth, fel y cytunwyd arno yn y cyfarfod diwethaf.

Trosglwyddo system TG y Comisiwn

- 3.2 Rhoddwyd gwybod i'r Comisiynwyr fod trosglwyddo'r system TG gan Merlin bellach wedi'i gwblhau ac ymddengys ei fod yn foddhaol.

Arolwg Cymunedol Blaenau Gwent

- 3.3 Dywedwyd bod yr Ysgrifenyddiaeth wedi cynnal ymweliad safle i Flaenau Gwent a byddai adroddiad o'r canfyddiadau yn cael ei gyflwyno yng nghyfarfod mis Hydref.

Caffael Cynaliadwy

- 3.4 Roedd y fenter yn parhau gyda Buddsoddwyr mewn Pobl yn cael eu mabwysiadu a phob aelod staff yn mynychu hyfforddiant Caffael Cynaliadwy.

4. AROLWG CYMUNEDOL PELLACH WRECSAM

- 4.1 Nododd y Comisiwn fersiwn derfynol Adroddiad a Chynigion arolwg cymunedol pellach Wrecsam a chytuno arnynt. **Cytunwyd** y byddai'r adroddiad yn cael ei gyhoeddi cyn gynted ag y bo modd.

5. AROLWG O GANLYNIADAU ETHOLIADAU CYNGHORAU CYMUNED 2008

- 5.1 Dywedodd yr Ysgrifennydd ei fod wedi cynnal yr arolwg hwn ar ôl yr etholiadau llywodraeth leol diwethaf. Wrth ei gymharu ag arolwg 2004 o ganlyniadau etholiadau cyngorau cymuned (ar ôl ystyried unrhyw leihad yn nifer y seddau), nodwyd y canlynol:

- Roedd nifer y seddau lle nad oedd cystadleuaeth wedi aros yr un faint; ac
- Nid oedd newid yn nifer y seddau gwag.

- 5.2 **Cytunwyd** y dylid trafod canfyddiadau'r arolwg yng nghyfarfod yr Aelodau gyda Gweinidog Llywodraeth Cynulliad Cymru. **Cytunwyd** y byddai'r Ysgrifennydd yn ymgorffori'r adroddiad arolwg mewn llythyr i'w anfon at y Gweinidog cyn y cyfarfod.

- 5.3 Dywedodd yr Ysgrifennydd ei fod wedi cytuno darparu copi o ganfyddiadau'r arolwg i'r Comisiwn Etholiadol a'u bod hwy wedi cytuno hefyd i ddarparu'r wybodaeth gywerth o ran etholiadau awdurdodau unedol yng Nghymru i'r Comisiwn. **Cytunwyd** anfon copi o'r arolwg, er gwybodaeth, at bob prif weithredwr a swyddogion cofrestru etholiadol yr holl awdurdodau lleol, Un Llais Cymru a Chymdeithas Llywodraeth Leol Cymru, a byddent yn cael gwybod am fwriad y Comisiwn i dynnu sylw'r Gweinidog ato.

6. UNRHYW FATER ARALL

- 6.1 Gofynnwyd i'r Comisiwn gan Gyngor Bwrdeistref Sirol Conwy am estyn y terfyn amser ar gyfer cynrychiolaethau ar gyfer arolwg Cymunedol Conwy tan ddiwedd

mis Tachwedd. Roedd y Comisiwn o'r farn y byddai'n rhaid iddynt ystyried y cynrychiolaethau yng nghyfarfod mis Tachwedd ac felly ni fyddai modd estyn y terfyn amser tan ddiwedd y mis hwnnw. **Cytunwyd** y gellid estyn y terfyn amser tan ddiwedd wythnos gyntaf mis Tachwedd ac y byddai hyn wedyn yn caniatáu amser i'r cynrychiolaethau gael eu paratoi ar gyfer y cyfarfod ym mis Tachwedd. Cytunwyd rhoi gwybod i Gyngor Conwy am ddyddiad diwygiedig y terfyn amser.

7 DYDDIAD Y CYFARFOD NESAF

7.1 Cytunwyd ar y dyddiadau ar gyfer cyfarfodydd yn y dyfodol fel a ganlyn:

Dydd Mercher 15 Hydref 2008 am 3:00 p.m.

Dydd Mercher 26 Tachwedd am 10:45 a.m.